



# Inuit Ataqatigiit Inatsisartuni

---

Ulloq: 13. juli 2009

Inatsisartut Suleriaasianni § 36, imm. 1 naapertorlugu Naalakkersuisunut apequtit imaattut matumuuna saqqummiuppakka:

1. Inuit angerlarsimaffeqanngitsut, illumik iserfissaqanngitsut qanoq eqqarsaatersuutigineqarpat?
2. Angerlarsimaffeqanngitsutut nalunaarsorneqarsimasut tunngavigalugit atugaannik pisariaqartitaanillu misissuigivineqarnissaanut pilersaaruteqartoqarnerluni?
3. Qanoq ajornartorsiut qaangerniarlugu pilersaaruteqartoqarpa?

(Inatsisartunut ilaasortaq Storm Ludvigsen, Inuit Ataqatigiit)

## **Tunngavilersuutit:**

Kalaallit Nunaanni najugaqarfinni Ukiakkut, piffinnilu assigiinngitsuni inunnik iserfissaaleqisunut annikillioarnarperpaarpoq sila nillertikkiartuleraangat, sialuk, anori nittaalarlu takkukkaangata inuk iserfissaqanngitsoq, aatsaat tassa atugarliulertarpoq.

Ukioq 2007-ip kingorna, Nuummi unnuisarfik suli ammanngitsoq, inuit angerlarsimaffeqanngitsut arlallit iserfissaqannginnertik pissutigalugu toqukkut qimagupput. Taamaattumik kissaatiginassagaluarpoq sumiiffinni assigiinngitsuni immikkut iliuuseqarluni inuit angerlarfissaqanngitsut atugarliortullu eqqarsaatigalugit iserfissaannik pilersitsisinnaagaanni.

Assersuutigalugu Maannakkut Nuummi angerlarsimaffeqanngitsut ima amerlatigilersimapput, unnuisarfik nalunaaqutaq 21.00 ammartaraluartoq nal. 20.30 ulikkaareertarluni.

Ajornartorsiut Nuummiinnaq piunngimmat, kommuunillu ataasiakkaat apeqqummut assigiimmik iliuuseqarpasinngimmata, inuillu ajornartorsiortut assigiimmik aqqvigineqarnissaat kissaatiginarmat, Naalakkersuisut qanoq ajornartorsiummut iliuuseqarniarnersut apeqquteqarfigaakka.